

7. gr.

Breytingar á skipulagsskrá þessari mega fara fram ef allir stjórnarmenn eru sammála um breytingar á henni og dómsmálaráðherra heimilar eftir umsögn Ríkisendurskoðunar.

Sjóðurinn verður ekki lagður niður nema með samþykki allra stjórnarmanna og að fenginni heimild dómsmálaráðherra eftir umsögn Ríkisendurskoðunar. Verði sjóðurinn lagður niður skal eignum hans varið til málefna, sem skyld eru hinu upprunalega markmiði sjóðsins.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 14. janúar 2005.

F. h. r.

Hjalti Zóphóníasson.

Bryndís Helgadóttir.

SAMÞYKKT**um meðhöndlun úrgangs á Álftanesi.**

I. KAFLI

Almenn ákvæði.

1. gr.

Sveitarfélagið Álftanes annast eða býður út söfnun, flokkun og flutninga vegna úrgangs sem fellur til í sveitarfélaginu samkvæmt ákvæðum þessarar samþykktar. Sorpeyðing höfuðborgarsvæðisins bs. sér um móttöku úrgangs úr sveitarfélaginu, nánari flokkun, böggun, endurnotkun, endurnýtingu eða förgun samkvæmt samþykktum um byggðasamlagið.

Sveitarfélagið sér um söfnun og förgun úrgangs frá íbúðarhúsnæði í sveitarfélaginu og förgun úrgangs frá atvinnuhúsnæði. Frá atvinnuhúsnæði er einnig hreinsaður kaffistofuúrgangur. Unnt er að semja um aðra þjónustu varðandi meðhöndlun úrgangs frá atvinnurekstri.

Heilbrigðisnefnd hefur eftirlit með starfsemi, sbr. ákvæði 4. mgr. 4. gr. reglugerðar um meðhöndlun úrgangs. Sveitarstjórn er heimilt að fela öðrum framkvæmd meðhöndlunar úrgangs. Þeir aðilar skulu hafa starfsleyfi heilbrigðisnefndar eða Umhverfisstofnunar eftir því sem við á.

2. gr.

Húsráðendum, forsvarsmönnum fyrirtækja eða stofnana í bæjarfélaginu er skylt að nota þær aðferðir og ílát við geymslu úrgangs og hreinsun sem bæjarstjórn í samráði við heilbrigðisnefnd, ákveður.

Sorpílát skulu fest með búnaði sem samþykktur er af bæjarfélaginu.

Sorpgeymslur skulu vera aðgengilegar fyrir sorphirðumenn, standa sem næst aðkomu að lóð og gerð skal grein fyrir fyrirkomulagi á byggingarnefndarupprætti. Þær skulu staðsettar saman ef um fjölbýlishús er að ræða.

Húsráðendur skulu halda ílátum hreinum og hreinsa snjó frá sorpgeymslum og sorpílátum þegar þarf til að halda ávallt greiðfærri leið að þeim.

3. gr.

Í sorpílát má aðeins setja heimilisúrgang, í samræmi við nánari fyrirmæli sem kunna að verða sett um flokkun úrgangs.

Óheimilt er að láta garðaúrgang, jarðvegsefni og brotajárn í sorpílát og gáma. Jarðvegsefnum, þ.m.t. grjóti eða múrbroti, skal komið á söfnunarstaði, endurvinnslustöðvar byggðasamlagsins eða sérmerкта samþykka losunarstaði.

Spilliefnum, lyfjum og öðrum hættulegum úrgangi skal skilað í móttökustöð, sem rekin er á vegum byggðasamlagsins eða Endurvinnslunnar ehf.

Glerbrotum og öðrum oddhvössum hlutum skal pakkað eða gengið frá þeim á annan tryggilegan hátt þannig að þeir sem meðhöndla úrgang eða sorpílát verði ekki fyrir hættu á skaða.

Gæta skal þess að fylla ekki sorpílatin meira en svo að auðveldlega megi loka þeim. Húsráðandi getur beðið um að ílátum sé fjölgað og greiðir þá aukagjald sem af fjölgun hlýst.

4. gr.

Söfnunargámar fyrir dagblöð, drykkjarfurnur o.þ.h. vörur sem ætlað er að fara í endurvinnslu, skal komið fyrir þar sem almenningur á aðgang að.

5. gr.

Sorphreinsun almenns heimilisúrgangs fer fram eigi sjaldnar en á 10 daga fresti.

II. KAFLI

Gjaldtaka vegna meðhöndlunar úrgangs.

6. gr.

Bæjarstjórn skal innheimta gjald fyrir förgun úrgangs í samræmi við ákvæði 1. mgr. 11. gr. laga nr. 55/2003 um meðhöndlun úrgangs. Þá er bæjarstjórn heimilt að innheimta sorphirðugjald fyrir alla meðhöndlun úrgangs og tengda starfsemi í samræmi við 2. mgr. 11. gr. laganna. Gjaldið skal sett og innheimt samkvæmt gjaldskrá sem sett er samkvæmt ákvæðum 11. gr. laga nr. 55/2003 um meðhöndlun úrgangs og að fenginni umsögn heilbrigðisnefndar.

Heimilt er að ákveða gjaldið sem fast gjald á hverja fasteignareiningu miðað við fjölda sorpílláta eða þjónustustig. Gjöld í hverjum flokki skulu vera sem næst meðal raunkostnaði við þá þjónustu sem veitt er, en þó aldrei vera hærri en sem nemur þeim kostnaði sem fellur til í sveitarfélaginu við meðhöndlun úrgangs og tengda starfsemi.

Gjöld skulu lögð á hverja fasteign, stofnun eða fyrirtæki sem nýtur framangreindrar þjónustu. Gjaldskráin skal birt í B-deild Stjórnartíðinda.

III. KAFLI

Ýmis ákvæði.

7. gr.

Hafi húsráðandi fram að færa kvörtun vegna sorphirðu skal hann koma slíkri kvörtun á framfæri til framkvæmdaaðila verksins. Telji viðkomandi sig ekki fá fullnægjandi úrlausn getur hann skotið málinu til heilbrigðisnefndar.

8. gr.

Óheimilt er að skilja eftir eða geyma rusl, garðaúrgang og sorp á víðavangi, götum, gangstígum eða fjörum í sveitarfélaginu. Sama á við um númerslausa bíla, vélar og önnur tæki.

9. gr.

Með brot gegn samþykkt þessari skal farið samkvæmt ákvæðum 26. og 27. gr. laga um hollustuhætti og mengunarvarnir nr. 7/1998 .

10. gr.

Samþykkt þessi er sett samkvæmt ákvæðum 3. ml. 5. mgr. 4. gr. laga nr. 55/2003 um meðhöndlun úrgangs, sbr. ákvæði 25. gr. laga um hollustuhætti og mengunarvarnir nr. 7/1998, með síðari breytingum, og staðfestist hér með til þess að öðlast þegar gildi.

Umhverfisstjórnuneytinu, 17. janúar 2005.

F. h. r.

Ingimar Sigurðsson.

Sigurbjörg Sæmundsdóttir.

AUGLÝSING

**um þá starfsmenn Sveitarfélagsins Árborgar sem ekki hafa verkfallsheimild,
samkvæmt ákvæðum 19. gr. laga nr. 94/1986
um kjarasamninga opinberra starfsmanna.**

Eftirtaldir starfsmenn hafa ekki verkfallsheimild sbr. 5. – 8. tl. 19.gr.:

Bæjarstjóri

Bæjarritari

Framkvæmdastjóri fjármála- og stjórnsýslusviðs

Starfsmenn á launadeild (2 stöður)

Framkvæmdastjóri fjölskyldumiðstöðvar

Verkefnisstjóri fræðslumála

Skólastjórar grunnskóla (3 stöður)

Aðstoðarskólastjórar grunnskóla (4 stöður)

Leikskólafulltrúi

Leikskólastjórar (6 stöður)

Verkefnisstjóri íþrótt-, forvarna- og menningarmála

Verkefnisstjóri félagslegrar ráðgjafar

Verkefnisstjóri félagslegra úrræða

Framkvæmdastjóri framkvæmda- og veitusviðs

Byggingarfulltrúi

Verkstjóri þjónustumiðstöðvar

Verkstjóri vatnsveitu

Framangreint tekur gildi 15. febrúar 2005 og tilkynnist hér með að höfðu samráði við viðkomandi stéttarfélög.

Selfossi, 18. janúar 2005.

Bæjarstjórinn í Sveitarfélaginu Árborg,

Einar Njálsson.